



John Carter Brown.







814-10

1613. Mo.





# HISTOIRE

Du Pays nomme

## SPIITSBERGHE.

Monstrant comment qu'il est  
trouvée, son naturel & ses animaux,  
avecques.

*La triste racompte des maux, que noz Pecbeurs,  
tant Basques que Flamens, ont eu a souffrir des Anglois,  
en l'esté passéé. l'An de grace, 1613.  
Escrit par H. G. A.*

Et en apres une Protestation contre les Angloys,  
& annulation de tous leurs frivoles argumens, parquoy  
ils pensent avoir droict, pour se faire Mai-  
stre tout seul, dudit Pays.



En Amsterdam, a l'ensieigne du Carte nautiq;  
M. DC. XIII.





## Description du Pays nouveau, appellé par les Hollandois Spilsberge.



LE Pays plus vers le Nort, qu'a esté cognu par les Anciens, ont ils nommé Thule, lequel la plus grand part des Geographes modernes dient estre l'Island: Par les nouveaux, qui ont vescu au temps de noz Peres, espécialement par Gerard Mercator, a esté painct un Pays situé desoubs ou a

l'entour du Pole de Nort. Mercator escrit l'avoir prins du Livre des Voyages de Iacob Croyen, lequel a eul la plus grād part du sien des comptes faiēt d'un Prestre au Roy de Noruegues, l'An de grace, 1364. Dequoy la decifrance par ceulx de nostre temps, a esté tenu du tout frivole. Car noz Mariniers ont pensé trouver en lieu du Pays de Mercator, une Mer large, & passante, laquelle les meneroit en Chine & aux Indes; Lequel (comme il semble) les eut succédé ne fut que la froidure & l'hyver leur fut survenu; d'autant qu'ils estoient passé au long du Nord coste de Nova Zemla, sus la hauteur du Pole de 77. & 76. degrés, bien plus de 20. degrés en longitude vers l'Est, du destroit de Weygats, sans avoir veu vers le Nord d'eux aucunes terres, sinon beaucoup de glace, de la quelle ils estoient a la fin environnés contre le Pays de Nova Zemla, tellement qu'ils n'ont trouvé aucune comparaison aux mappes de Mercator de sa terre soubs le Pole. Mais le Pays plus vers le Nord, que jamais a esté recognu jusques a maintenāt, c'est lequel dequoy nous avons a faire icy la Description, situé entre Groenlāde (lequel apertient a la Courone de Norveges) & nova Zemla: (ainsi nommé par les Russiens, qui en ont la possession) vis a vis du Cap de Nort en Finmarque ou (selon la vulgaire) Nördland en



Norvegue. Il s'estend (pour autant que les nostres ont controuvé jusques au iourd'huy) du 76. iusques au 80. degré de latitude, & compter de la ligne Equinocial, que faict la longueur de 60. lieues d'Allemagne ou 70. lieues de France.

Il est trouvé des deus navires au dict Voyage vers China & Iapō, lesquels estoient armée & équipée par les nobles S<sup>rs</sup>. & Conseils de la Ville d'Amsterdamme, duquel estoit Admiral ordonné par son Excel<sup>ce</sup>. Maurice de Nassau, &c. Jacques Henri Heemskerck, lequel depuis a acquis la tresfameuse eternelle memoire en la Baye, devant le Casteau de la Ville de Gibeltar. Son Pilote estoit Guillaume Bernard, lequel avoit fait au mesme dessain deus voyages pour Mess<sup>rs</sup>, les Estats Generaulx. Et de l'autre Navire estoit Maître & Commis, Iean Corneille du Ripp.

Cestui Iean Corneille, estoit proprement occasion que le Pays duquel nous faisons icy la description, a esté trouvé. Car euls, a sçavoir les deus Navires susdictes, estant venus a Bereneylant, a la haulteur du Pole, de 74 $\frac{1}{2}$ . degres, Guillaume Bernard vouloit aller vers l'Est, & Iean Corneille vers l'Ouest, afin qu'il ne fut environné de glace, contre le Nova Zemla; or falloit il que Guillaume Bernard suivit ledict Iean Corneille, qui estoit au vent de luy, comme il se voit par l'Histoire du Voyage. Mais pour sçavoir deuvement ce qu'ils ont trouvé en cesté descouvrâce, j'ay trouvé bon de mettre icy un petit extraict du Journal, escrit de la main propre de Guillaume Bernard.

Le 18. de May, stile neuve, nous sommes partis de Texel, & arriverent le 22. contre Fayril & pres des Orcanesses.

Le 5. de Iuing, sommes venus en la glace, laquelle a nostre avis estoit venu de Groenland, car nous faissions compte d'estre environ 25. lieues au dehors dudit Groenland, l'eau estoit verder, brun de couleur, jetterent le sonde sans trouver fond, la glace, s'esten-



s'estendoit au long de la Mer, Sudest & Norouest, & estoit du tout en pieces, ou escoffes.

Le lendemain faysoient nostre route Nordest & Norest quard du nort 9. lieües, arriverent contre une grande glace, par laquelle ne pouvoyent passer, ne trouverent nul fond a 120. brasses, a nostre advis estoient 55. lieues de l'Isle Luffoet vers Nordouest, & du Cap de Nord 110. ou 115. lieües.

Tournoyent alors vers l'Est & arriverent le 10. de Iuing a l'Isle des Ours, a la hauteur de 74. degrés 35. min. & faisant voile de la Norest, arriverent en la glace, auquel jecterons ancre, & fumes contrains de retourner sous l'Isle, De l'Isle des Ours summons departis, & faisoient Oest noroest pensant trouver vers le nord-meilleur passage, car ceux de l'autre Navire, vouloyent tousiours tirer vers l'oest, & j'avoy desir d'estre plus vers l'Est, avons couru jusques au soir Oest noroest 16. lieües, la nuit jusques au matin Noroest 15. lieues.

Le 14. Avancé jusques au soir Nord quard d'oest 22. lieues. Lors le temps devient clair, & nous nous trouvions pres de la glace, & nous sembloit veoir terre vers le Nord, mais nous n'en estions pas assuré.

Le 15. Nous tournions ven du vent, sondions sans trotiver fond a 150. brasses, routoyant jusques au midy, Sudest & Sudest quart d'est 5. lieues, ayant la hauteur de 78 $\frac{1}{4}$ . degrés.

Alors nous allions vent arriere, vers l'Est, 7. lieues.

Et apres jusques au soir Nornordest, 5. lieues.

Passions une grande Balaine morte, sur lequel y avoit plusieurs meuves.

Le 16. Il faisoit brun, le vent Oest passans jusques a midy, Nornord Est 21. lieues, arrivans en la glace, & nous nous retirans passans au loing d'icelle Nordest 5. lieues.

Et derechef hors de la glace Sudest 6. lieues.

Iusques a ce que nous venions derechef avec la route de S. S. Oest, en la glace 4. lieues, lequel estoit du matin.

Le 17. Il faisoit calme iusques au midi, alors trouvamus la hauteur de 80. degrés & 10. minutes, nous louvions, car a voyons vent au vent, pour sortir hors de la glace, estoyons passe Si. ou 6. lieues, ayans vent Oest jusques au soir, ayant le fond de 90. brasses. Passants outre encore un quartier avec vent Sudest, allions Sud Siroest 4. lieues. Alors vismes terre & allions encore Oest Siroest, la terre s'estendoit Oest quar de Noroest, & Est quar de Sudest, bien 8. ou 9. lieues, la terre estoit haute & tout couvert de neige, & du point du Norouest, s'estendoit ceste terre iusques a un autre pointe.

Le 18. Siroest quart d'Oest, 6. lieues, & la nous trouvions la hauteur de 80. degrés.

Allions contre vent au long de la terre, avec vent Oest & Noroest. Iusques au midi, le 20. Lors estoit le cap d'ouest de la terre, de nous enviro Sud suroest 5. lieues. Passions outre Sud suroest & Siroest quar de su 5. lieues, & arrivames joint a une anse large, laquelle s'estendoit en la terre vers le Sud: & encore une Baye devāt laquelle y avoit un Isle, laquelle Baye s'estendoit bien avant vers le Su.

Retournasmes alors de la terre, & passions outre jusques au soir, Norouest quart du Nort 2. lieues, & arrivames derechef en la glace, parquoy nous falloit tourner vers le Su.

Le 21. Il faisoit grand vent & naigeoit fort du Siroest, & nous courions au vent jusques au soir, mouillons l'ancre proche de la terre pres de nostre Compagnon, justement devant l'entrée du Canal, a 18. brasses, fond de sablon. Au point d'Est de l'embouchure y avoit une Roche, laquelle estoit fendue par dessus, fort bon a connoistre. Il y avoit encore un petit Isle ou Rocher, environ le tiers d'une lieue dudit bout d'Est. Au point d'Ouest y avoit au



un Rocher bien proche.

Le 22. Prenions de Lest de 7. Chalupes plain de callions, d'autant que nostre Navire estoit peu lestée. Et vient un grand Ours naiger pres du Navire, lequel poursuivions avec 3. Chalupes, & fut tué, sa peau avoit longueur de 12. pieds, nous entrâmes ce jour la avec la Chalupe en l'entre, pour cercher meilleur port, ce qu'estoit necessaire, & trouvâmes en dedans, la terre du tout séparée & rompue, & aucuns Isles, ou il avoit bon ancrage en plusieurs endroits.

Le 23. Cerchames nostre vray Meridional, par le Cercle Astronomique, & trouvions avant midy, 11. & apres midy, 16. degrés, declinaison, que le Compas, ou l'anguille tournoyt vers le Noroest, tellement que le Cercle n'estoit pas correct. Nous sortions hors la Baye, pour rechercher jusques ou la coste se pouvoit estendre, car il faisoit fort clair, ne pouvions apercevoir le bout de la terre, laquelle s'estendoit Sud quart de Siroest 7. lieues, Jusques a un bout haut & montueus, lequel se descouvrit, cōme s'il estoit une Isle. Prenions de minuiet l'hauteur du Soleil, de 13. degrés, tellement que nous estions a la hauteur du Pole de 79. degrés 34. min.

Le 24. Avant midy, faisoit il calme avions le vent Siroest, la terre (au lōg duquel prenions nostre route) estoit la plus part rompue, bien hault, & non autre que Monts & montaignes agues, parquoy l'appellions Spitsbergen.

Nous navigames environ Siroest & Siroest quart de Su 7. lieues, & lors nous estions environ 10. ou 12. lieues, du lieu ou nous avions fondée la premiere fois l'ancre, plus vers l'Est.

Nous destournames du soir derrechef de la terre, le bout du Noroest: estoit Nordest de nous, & partions de la terre oest, & oest, quart du noroest, 8. lieues.

Jusques a la fin du premier quartier.

Destour-

Destournasmes vers le Est, & allions Sudest & quart du Sud 8 lieues, jusques le 25. a midy.

Après arrivames pres de la terre, & seiglants vent arriere Nord-nordest, 2. lieues.

Et le mouillerons arriere un pointe a 18. brasses, fond de sablon, & nous sembloit qu'il y avoit flus, & reflux, car nous trouvions en 12. heures de temps, un courant du Siroest, & un autre du Nord-est, si fort que les boyns de nos ancrs, se casseans dessus leauë.

Ceste Baye, en laquelle nous estions, entroit bien avent avec une ancre en dedans, au costé du Su y avoit une pointe basse, arriere laquelle on peut naviger, entrant pres le coste du Nort, & y poser arriere la pointe, ayans abry de tous vents. Nous gens y trouvoyent des dents de Morses ou vaches de Mer, parquoy la ditte Baye fut appellée Baye des dents. Nous y trouvions aussi beaucoup de fumé des Cherfs, & aucune laine comme du Brebis. Justement au Su dela pointe y avoit une petite ancre, comme un port.

Le 26. Nous vient le vent Nort, faisons voile, & navigames S: quart de Siroest 10. lieües. Au midy arrivames entre la pointe montueuse & la terre ferme, pensent que le bout montueux fust une Isle, Navigeans en dedans. Su quart de Siroest & Su: & estant quelque espace au dedans du bout, trouvions profondeur de 12. & 10. brasses, bon fond de sablon, & estant entré deux lieues, Il y avoit profondeur de 50. brasses, le fond pierreux, & la terre estoit toute couverte de neige, entrions environ 5. lieues, entre le bout, & coste de la terre firme, & trouvions alors que le bout, lequel nous pensames estre un Isle, estoit attachée avec un banq de sable a la terre, car nous trouvions profondeur de 5. brasses, Il y avoit de la glace sur la basse, de sorte qu'il nous falloit retourner en arriere.

Ce bout, lequel pensions estre une Isle, gist au 79. degré 5. min. latitude,



atitude, nous l'appellions la pointe des Oiseaux, pource qu'il y  
voit tant d'Oiseaux dessus & a l'environ.

Le 27. Faysoit il calme, de sorte que nous demeurions flottans  
sans pouvoir avancer entre la pointe des Oiseaux & la terre.

Le 28. passames au tour d'icelle, Navigants alors Su Siroest 6.  
lieues, le tout au long de la terre, laquelle estoit fort montueuse &  
gu, avecq un beau rivage. Navigans tout Sud & S. quart de Si-  
roest 6. lieues, & apres S. quart de Sudest 3. lieues.

Trouvions au midy la hauteur de  $78\frac{1}{2}$ . degres: & estions alors  
pres de la glace, Navigans un peu vers la Mer, pour venir hors la  
glace, & passames ainsi au long de la glace, & pres de la terre Sud-  
est quart du Sud, 7. lieues.

Et nous estions alors joint a une grande Baye, laquelle s'esten-  
doit au dedans vers l'Est Nordest, & estoit a deux costes terre  
haute & montueuse.

Navigames avecq vent prope du Nord Nordest, jusques au  
point tout au long de la terre Su Sudest, & Su quart d'Est, 5. lieues.

Alors y avoit encore une grande Baye, en laquelle y avoit be-  
aucoup de glace pres de la terre, nous prenions nostre route un  
peu Oest Siroest, pour estre hors de la glace, & cheminames en  
avant Sud quart de Sudest, 4. lieues.

Enfimes en la glace, parquoy allames Siroest, 3. lieues.

Le 29. Poursuivismes d'un vent Nord: Le cours Sudest, quart  
du Sud & Su Sudest, 5. lieues.

Le tout au long de la terre jusques au midy Sud, 4. lieues.

Et trouvames au midy la hauteur de 76. degres: 50. min.

Navigans en avant S: & S. Sud est sans trouver terre, jusques a  
ce que vismes l'Isle des Ours, le premier de Juillet.

**D** Autant que Iean Corneille & Guillaume Bernard différoient beaucoup, en leurs iugemēts, de la ou ils estoient, pensāt Ieā Corneille, qu'il estoit nord est du Cape de nord en Noruegue, & Guillaume Bernard Nor oest, disant Guillaume Bernard qu'il estoit 250. lieües, de la pointe de glace de Nov Zemla, & pensoyt Iean Corneille, qu'il n'en estoit tant seulement 60. lieües, & d'autant qu'il sembloit mieux a Guillaume Bernard de descouvrir une terre cognue, pour trouver tant mieux le détroit d'Anian, se sont Ils separez l'un de l'autre. Estant convenus par ensemble, que Ieā Corneille feroit rechers vers le Nor oest, & Guillaume Bernard vers le Nord est. Tellemēt que Ieā Corneille a derechef faict voile vers le Nort, & apres merueilleux rencontres, de glace & vent, il s'a trouve au lieu ou ils avoyent jecté la premiere fois l'ancre, sur les 80. degrées, ayant aussi este dessoubs la poincte des oisieux, de la s'est il parti avecq intention de retourner vers Guillaume Bernard.



**L** A coste d'Oest de cette terre incognue, estant par tel moyen decouverte par Iehan Corneliss. Rijp & Guillaume Barentss. at este derechef, navigé l'An 1608. per Hendry Hudson, pour la Compagnie Angloyse. Iceluy Hudson (selon ledire de Iudocus Hondius, en sa carte *Planispherisque*, at trouvé au noroest de ceste terre, sur la hauteur de 81. & 82. degrez une ferme coste de glace. Depuis ce temps la, ont envoyés tous les Estés pour trouver des Barbes de Balaines (ainsi qu'on le nomme de coustume) & a bruler de la grayss. Laquelle pescherie la Compagnie Marchande sur Russe, a Londres at tenu & entre tenu par eux seuls, iusques a ce que l'An dernier 1612. que Guillaume de Muyen at este envoye d'Amsterdam, avecques une Navire: & un autre de Serdam, lesquels n'alloyent seulement jusque

al'Isle



l'Isle dict Berencylant, ou Isle d'Ours, pour tirer ou prendre des Walrusses, excepté ceuz ont encores este l'An susdict (les Anglois on comprins) une Navire de Biscaye, lesques d'autant qu'euls ont plus habile a tirer ou prendre les balaines, qu'aucune autre Nation de la Chrestienité, sont retourné avecques raisonnable rouffit, mais les nostres n'ont gueres avance, qui est la cause que au present sous la conduite de Guillaume de Muyen susdict, ont este equippe deux Navires, & ont noz Marchans, pour icelles Navires, loué 12. basques de S. Jean de Lus, a sçavoir 3. Mr. Harpottiers, 3. Maistres de Chalupe, & les 6. autres pour servir a cuite les quilles, & couper les Baleines. Encore at esté envoyé une barcque d'Amsterdā, dont estoit Mr. Thomas Bonaert, estant la plus grand part de ses gens des Anglois & quelques Hollandois. Encores deux barques du bourg de Serdam, n'allant seulement que pour prendre des Walrusses. Oultre les susdites cinq Navires at este encores equipé une a Durckerkes, avecques une petite barcque, une de Bordeaux, une de la Rochelle, & troix de S. Jean de Lus, & encores aucuns Espaignolz de S. Sebastian: La Compagnie de Russie a Londres entendant, que tant de Navires estoient equippe, ont aussi equipé 6 Navirez bien montéz, dont estoit Admiral ou Capitaine Benjamin Ioseph, sur la Navire le Tigre, armé avecques 1. grosses pieces de Canons, & ce pour empescher a tous autres la Navigation & pescherie, & les chasser des Costes. Encores que les nouvelles de ceste entreprise des Anglois, sont venus tant icy qu'en Biscaye, neantmoins tant bien les Biscayins (lesquels routesfois ou cuidoit icy, qu'alloyent pour le Roy d'Espagne vers les Indes Occidentales ou Vuestindes, pour amener gens vers Lima) que les François & les norres se sont neantmoins voyagé vers la terre appellé Spitsbergen, ou Grenlandt (ainsi que le nomment les Anglois) & ce pourveu de bien peu d'artillerie & ammunition de Guerre, estant seulemēt equippe pour la pescherie, prennant leur



chemin l'un ça l'autre la, en quelque Baye ou Havre.

La plus part doncques de Navires, s'estants sur leur pescherie avecq leurs gens, & estans a terre, les Angloys y sont venus & les ont chassé l'un devant l'autre apres.

*Mais premier que de venir a la narration dicelle, nous deduirons tous les Ports qui sont a ceste coste.*

## DE LA SITUATION, dudit Pays.

**A** cognoissance doncques que nouvellement nous este faite, de ceste terre nommée Spiisbergen, avons exprimé dens la Carte cy devant mis, & avons suivy pour la plus grand part les annotations des Angloys, tirée d'une Carte de Iohan Daniel, escrita Londres, l'An, 1612.

Ceste terre comme dessus, a este dict, est assise de l'Isle nommée Berencylât, ou isle d'Ours, Nornoroest, sous le 81. & 76. degré de latitude, & tire bout du au sud, lequel les Anglois appellent pointe Lockhoute, la plus grand part Nornoroest jusques au dessus Hornesfond, & de la vers le nord, jusques au coing sud de l'Isle lequel les Angloys appellent l'Isle de Prince Charles, & les nostres Kijn, selon le nom d'un de leurs Marchans, lequel l'An passé y est tombe d'une haute Montainge mort, tire la coste, la plus grand part vers le nord, A sçavoir suivant que les Compas ordinaires qu'on use en Hollâde, le monstrêt lequel on dict estre Nornoroest. Car le Soleil estoit tousiours au Sudsiroest avant qu'il fust au plus hault. Pour sçavoir cecy parfaitement, premierement ils ont mesuré la hauteur du Soleil, estant au plus haut: Et d'autant que leur estoit cogneu le jour de l'an. Ils ont trouve per les tables de



la declinaison du Soleil, la hauteur de l'Equator & du Pole par dessus l'Horizon. En apres ce sur l'Astrolabium Catholicum, la hauteur du Soleil dessus l'Horizon, si bien au vray Est que Oest. Ayant apres mesuré le Soleil sur tel hauteur, ils ont veu combien estoit l'espace, que le Soleil estoit de l'Est du Compas. Estant doncques cecy mesuré, avecques un Compas duquel la fleur de Lis respondoit droict sur l'equille, ils trouverent en Schoon-haven, 16. degrez variation vers le nordouest, y adioustant doncques tant que l'equille des quadrans du commun usage, est mise ou posée vers le Nordest de la fleur de Lis susdict, se trouvera oultre de deux ryndes le vent, qu'il faut chercher le Nord plus vers l'Est, que ne montrent les Compas ou quadrans comme dessus est dict.

Ceste Isle de Kijn, dont dessus avons parlé, a la longueur d'environ 10. lieues. Premierement tiré Norouest, iusques au milieu ou nittā du Pays, qui est une pointe, & de la s'estēt au nord jusques au bout, que les Anglois appellent r' Fayre Forland, ceste a dire la belle pointe. De la au long de la costé, il faut prendre la route Nordouest, & Nordest, jusques par dessus la hauteur de 80. degres. La ou Guillaume Barenss. & Jean Corneliss. Rijp, decouvrirent premierement le Pays.

On y a trouvé 4. grādes Bayes, chascue avecques diverses havres. L'appelle la premiere Baye, celle que passe entre le bout Nord de l'Isle de Kijn & la terre ferme, que les Anglois tiennent pour leur rendezvous ou pour leur place de reparation, & tendent leur logis si bien dedans l'Isle qu'en la terre ferme, ou ils ont perdu l'année passée 1612. une Navire, c'est la mesme Baye la ou ont esté Guillaume Barenss. & Jean Corneliss. laquelle ils pensoient passer par derriere ou par dedans, mais ils ny trouvoient pas prou profond, & y avoit de la glace, qui estoit ferme attaché au fond, comme aussi a trouvé la Navire de Duynerkerkes, selon qu'a raconté un de leur Pilotes.



La seconde baye, est le Issond autrement Grenharbor, laquelle a deux bons ports, l'un au costé du nord, lequel les nostres nōment Behouden-haven, & l'autre au costé de Sud, qui est proprement le havre verd ou Groenharbor, ces deux ports ou havres, vont bien avant dedans, tellement qu'on y'est du tout enfermée, au meilleur du port nōmé Behouden-Haven, se trouve bien la profondeur de 200. brasses, mais au costé de l'Est, se trouve bō fond de 22. brasses, & dens Grenharbor, on se met au costé, d'Oest sur 17. a 18. brasses. Tirans vers le sud 8. lieües, on y trouve la baye ou sont les havres Louvvfond & Belfont, le bout nord de ceste baye, se nomme en la Carte Louvvfondnes, estant a costé de quelques Isles & Rochers, la ou on peut aller au dedans, ains ce n'est pas un bon port ou Havre, car il n'y est pas bon fond, le Louvvfond mesme est une conduite ou menée qui va bien avant en terre, & a au devant une Isle.

La pointe de sud, de ceste grande baye, se nomme Belpoint, un peu au dedans la pointe, ont les Hollandois trouve un Port qu'ils appellent Schoonhaven, ou bonne havre.

Au costé d'Est de ceste baye ou Schoon-haven on y trouve profondeur de 300. brasses, mais au costé d'Oest, on y trouve bon fond pour ancrage a 30. brasses, & est une bonne place pour tuer des baleines, lesquels se trouvent la en grand nombre.

Belfond mesme, est une Canal qui va bien avant en terre, au costé de nord, se trouve une Isle, qu'on peut passer a deux costez: vis avis de ceste Isle, y at a terre un anse, ou y faict bon pour tirer des Vaches de Mer ou VValrusses, qui y sont en grand nombre, noz gens ont esté 6. lieues dens ce Canal, ou ils ont trouve sur l'eau fresche, de Chiens de Mer, en quantité.

Les basques de S. Ian de Lus, ont nommé ceste baye de belfond la baye des Franchoys, a cause que celle nation y estoit la plus part tout ainsi, qu'ils ont nommé les autres bayes, selon la Nation qu'ils



qu'ils y trouverent.

La baye qui a esté Navigé des nostres, tirant plus du Sud, est Hornfond, ainssi appellé des Angloys, a cause qu'ils y ont trouvé (comme ils racontent) un licorne, cest un fort bon havre, a deux bras, allans tous deux bien avant en terre.

En ces bayes, & du long de la coste y at aussi flot & marée comme en autres lieux, de la Mer Nord. La marée y vient du sud: Car quād le Soleil estoit Sud Siroest on trouva en Belfont ou Schoonhaven pleine Mer, & au nort en le Behouden-Haven, le Soleil estant Nortnorouest estoit pleine marée, differants le temps de 9. heures, que le flot vient plus tard en Behouden-Haven, qu'en Belfont, lesquels sont distants l'un de l'autre environ 20. lieues d'Allemagne.

### Du naturel du Pays.


**L**A premiere consideration qui se peult prendre de ce Pays, est la part du Ciel, sous laquelle il est situé, & comment les lumieres du Ciel, Illuminent.

Il est situé en le Sone Froide, les Anciens (non sans bonne raison) l'ont tenu du tout inhabitable, a cause de la grande froidure de laquelle ce Pays a plus grande part, que quelqu'autre. Car jacoit qu'il ni a aucun Pays, auquel est moindre nuit, ou obscurité au Ciel (d'autant que le Soleil en temps d'Esté, apres le long jour de cent & septantefois vingt & quatre heures, lequel est en la baye des Anglois, descent si peu desous l'Horisont, que la lumiere le demy an en l'Esté, ne se peult nullemēt retirer du Ciel, & sauf qu'il y a le demy an de l'hyver deux mois entiers, que le Soleil fait au Su: Iours de longueur de 12. heures, & aussi d'une heure seulement, si este, que le Soleil venant ces signes de Scorpius, Sagittaire, Capricorne

pricornes & Aquarius au temps de la longue nuit, quant aussi il est au plus bas vers le Su a.  $12\frac{1}{2}$  degrés pres de l'horifont, illumine encore le ciel au Su car suivant le dire de Ptolemeo & aultres, nous voyons laube du Iour, quant le Soleil est encore 18. degrés plus bas que l'Horifont.

Si estce toutefois, qu'il n'y a en aucun Pays, de tous ceux qui sont assis au nord de la ligne Æquinoctial, de moindre chaleur ou de plus court esté. Car iusques au 13. de Iuing estoit ceste année la glace encore si ferme a la coste & es embouchures des ports, que les Navires n'y pouvoient entrer: & la neige (laquelle en aucunes parts y demeure tousiours) estoit encore en si peu de parts fondue que les Chevreux ou Chers ne pouvoient avoir nourriture, & estoient maigres comme bastons: La cause de ce par trop long hyver & longue froidure, est que le Soleil lequel depuis le temps de l'Equinoce, quād il est au Su a la hauteur de  $11\frac{1}{2}$  degrés, jusques au 10. ou 12. de Iuing, ne monte seulement que jusques a 33. degrés 40. min. dessus l'horizont, & ses rayons que pour ceste cause il darde si de bihay & quasi le long des Champaignes, peuvent si difficilement rechauffer le terroir, que mesmemēt la bruyne & vapeur qui sort de la terre n'ē peut estre dechassée, ains demeure sur les montaignes & sur la Mer, tellemēt que les Marelots ne peuvēt aucune fois veoir arriere d'eux la longueur d'un Navire, c'est pour ceste cause que ce Pays (lequel jusques a maintenant n'est cognu sinon aux costes de la Mer, ou lon ne voit sinon que montaignes hautes enneigées, avec aucunes prairies) n'a aucuns arbres troncs n'y autres fruiets, & lon n'y voit aultre verdure sinō que du mouscourt & espois, semblable qu'on voit en plusieurs parts en Norvegues, estant jaülnastre, & a beaucoup de fleurettes bleues, toutefois disent les Mariniers, qu'ils y ont veu de l'herbe verte. Mais quant au bois quy s'y trouve aux costes, ne peut on sçavoir d'ou il vient, ains d'autant que la Marée y vient du Su, si n'estce point estrange








*Advivum delineatum ab Hessel G. A.*






















estrange de penser qu'il y vient de Norüege.

## Des Animaux.

**L**es Animaux lesquels y ont esté veües, sont des Ours bläcs, quy sont plus grands que des boeufs, quy s'addonnent aussi tresbien a leau, & aussi des Cerfs ou Chevreux, semblables a ceux quy sont aux Pays des Russiens & Samojedes, pres de Nova Zemla, lesquels ont leur pasture sur le mous, duquel ci devant est lié. Ont les cornes peluës, & sont un peu plus petit que nos cerfs, ils estoient durât le temps que nos Navires y estoient, sur la coste le quel estoit moins d'un mois de temps) devenus si gras, que c'étoit un plaisir d'en manger. Ces Chevreux estoient si peu accoutumé des hommes, & s'égardoyent si peu qu'il est advenu, qu'un homme tirant un Chrevreu d'une balle de Musquet, ce que sentant l'animal courrut contre l'homme, tellement qu'il l'abbatit terre.

Des Petits animaux n'y ont veus, sinon que des Renards blanc gris, & aussi aucun noirs.

Cecy est tout ce que nous avons veu, quant aux animaux qui ont esté trouvé en terre. Sauf qu'il nous reste encore a parler des cornes de Licorne, que les Anglois ont trouvé en l'Horensond. duquel ne sçavons dire aultre chose, sinon que ceux qui en ont cognoissance disent que ce sont vrayes Cornes de Licornes, desquelles en a esté apporté l'este passé une en ces Pays par un de nos mariniers. Mais on ne sait pour vray de quels animaux elles viennent. Et dirons pourtant des poissons trouvez, a l'entrée des Ports & des Havres.


A l'embouchure des Ports & des havres, on trouve des grands Balaines de plusieurs sortes, lesquels pour la plus part, passent 10. pieds en longueur, & sont toutes fort grasses, tellement que le poisson qui en vient, peult estre quasy du tout boulli en graisse ou en

C

huile,



laquelle nous appellons Traen, & il y a une sorte de Balaines, cōme la plus grand part que lon trouve icy, lesquels n'ont point d'aïllers sur le dos, aquoy on les cognoir, celles cy ont au dedans de la bouche, grandes & longues barbes, qui sont commelimes, & les grandes les ont de longueur d'une brasse ou deux, de telle sorte qu'il s'en tire d'un museau 600. Celles cy pendent a la façon de pigne, en hault hors de la bouche, & les ont au lieu, ou les autres poissons ont leurs dents, mais tant seulement en hault, les plus devant & plus derrieres sont fort petit, tellement que lon n'en compte que 400. pour marchandise marchande, & celle cy est pour le present unes des meilleures & proufitables marchandises qu'y se trouve sur ceste coste, lesdites Baleines ont au costé pres de la teste des grandes nageoires, derriere lesquelles on les tire avec un harpon, pource qu'elles sentent en ce lieu plus au vi





la playe, laquelle ayant sentie & quand le sang lui entre en la teste, elle souffle leau & le sang hors des narines qu'elle a sur la teste si haut, que les coupets des maists. Et apres avoir fait la courisse vers le fond, & se lassé eux mesmes a naiger, alors les bateaux approchent & le tirét avec des dards en la vallée qu'elles ont sur la teste, car aultrement ils ne les peuvent aisement tuer.

Ces poissons cy ont une peau espesse & noire, couverte d'une autre peau tendre, luisant & noir. Le manger de ces Balaines, sont petits poissonneaux, plus petit que chevrettes, lesquels elles prennent nageant a geule ouverte, & engloutissent en serrant le museau.

Hormis ces Baleines noires, il y en a aussi des blanches, mais on ne les tient pas pour bonnes, lon y a encore trouvé des Empeadors & quelque peu d'Esclefsins.

Il y a beaucoup d'Oyseaux de Mer, specialement des Meaues, lesquels se mettent en grand nombre sur les charognes des Balaines. Deux sortes de Plongeons, Papegays ou Lommes, que sont Oiseaux de Mer a rouge becqs, lesquels Guillaume Bernard a trouvé aussi en Nova Semla, des Oisons & Canards lesquels y pondent fort grands oeufs, & grand nombre de Rotganssen, lesquels on souloit croire qu'ils croissent en Yerlande aux arbres.

Vn peu plus dedans, on trouve les Chevaux de Mer, comme sent les Angloys, Vaches de Mer, selon le dire des François, & ephants de Mer, selon que nous pourrions dire, pource qu'ils le semblent quasi en grandeur du corps, & pour les grands dents, qu'ils ont en la bouche. Ils sont nommé Morsen par les Russiens qui en ont la meilleure cognoissance, parce qu'ils les ont en abondance, sur leur coste de Petzorque, & nous les avons appelé jusques a maintenant Walrussen, leur figure, laquelle jay mis icy joignant ie l'ay moy mesme tiré au vif, du jeune qui a este apporté icy. Ils ont beaucoup de lard pour en faire de la graisse, mais la peau core qu'elle est demesurement espesse, laquelle on a veu peser



icy 400. *℥*. si est ce quelle vault bien peu, parce quelle est trop  
plaine de vessies. Mais tant mieux valent les dents, lesquels on  
estime valoir plus que l'yvoire. Ces animaux ci quand ils voyent  
leur semblable tué, is montent en si grand nombre sur les morts,  
qu'ils les font corrompre & guaster.

Cecy est ce que nous savons de leau salée. Mais en hault en  
leau frefche, 5. lieues dedans le Pays, au Port de Bellond, nos  
gens ont trouvé des Chiens de Mer, de mesme sorte commes nos  
Robbes. Cecy est la plus interieure cognoissance, que nous avons  
peu trouver de la terre & de ses animaux, & ores nous dirons ce  
qui est passé cette Esté, tant entre les nostres, que François & An-  
glois.

Celuy qui le premier de tous arriva sur ceste coste, fut Guillau-  
me de Muyden, lequel avec ses deux Navires, arriva joint a la  
pointe du Su: (appellée par les Anglois Locqhoute:) le 27. de  
May. Mais ne pouvoit en nulle part arriver a terre, d'autant que  
la glace estoit encore contre la coste, poursuivre son cours vers le  
Nort jusques au premier de Iuing, alors il arriva a l'Isle Kyn. Le  
2. de Iuing le Maistre du Navire avecq les deux Barques, feit voile  
vers la terre, trouverēt au bout du Su. de l'Isle, une Balaine morte.  
Le 4. de Iuing, trouverent encore un poisson au bout du Nort, il  
se tenoit continuellement dessous l'Isle, allant & venant, d'au-  
tant que les havres estoient encore plains de glace.

Ils virent le 8. de Iuing le Navire de Bordeaux, duquel estoit  
Pilote Maistre Silly. Le 9. vient la Barque de Dunkerk, avecq la  
Pinasse aupres d'eulx, a la pointe du Su: de l'Isle. Et d'autant que  
ceux aprocherēt, en apres pres du Navire de Mossel, a sçavoir l'au-  
tre Navire du Muyden, lequel estoit un peu plus vers le Nort des-  
sous l'Isle. Il semble que ceux de Dunkerk prinderent cognoi-  
sance du Port, & se retournerent pourtant avecq Mossel vers la  
terre



erre, & semble qu'ils vouloyent passer entre l'Isle & la terre ferme, mais sortirent derechef, s'arrestèrent a l'environ, & le 12. ou 13. passerent en Groenherbor, a sçavoir l'une Navire.

Muyden arriva le 13. en Behouden haven, ayant peu au paravant envoye ses Barques vers la Balaine a la poincte du Nort de l'Isle, lesquelz trouverent la les Barques des Angloys, lesquelz foyent decoupant les Barbes d'icelle Balaine, de ceux cy entendirent les nostres que per eulx, la Pinasse de Dunkerque, avoit esté prinse, & que ledits Dunkerques avoyent déclaré que ladite Baleyne avoit esté trouvé par les nostres. Ces gens de Dunkerque furent repartis sur les Navires Angloises, & menéz a la poincte du Nort, au Baye des Anglois, & nos Barques retournerent le 15. a leur bord, advertissant que ledit Angloises avoyent proposé de prendre tous les Navires estrangers.

Or apres que les Anglois avoyent donne ordre a leur pescherie, ens le Faire Forland, ou ils avoyent encore leurs loges de l'Année passée, sont ils arrivez le 16. de Juing au Grin Harbor, & detachèrent de la le Navire de Dunckerque avecq un aultre petit Navire de Biscayes, lesquels Biscains fort mal contents, juroyent, que retournās en leur Pays, ils reprendroyent leur guarant sur les biens des Angloys. Le lendemain fit l'Admiral voile jusques a la poste de Nord du Canal, au Port asséuré, la ou il trouvoit Muyden avecq ses deux Navires. Maistre Selly de Bordeaux, un aultre de la Rochelle, & un petit Navire de Saint Ian de Lus, les Maistres de Navires se faisoient mener au bord de l'Admiral, le petit Navire de Saint Ian de Lus, fut renvoyé vers son Pays. Selly racomptoit a Muyden qu'il avoit obtenu de l'Admiral de rendre huit Baleines pour les Anglois, & que la reste seroit pour luy mesme. Mais quand il en avoit prins quatre d'avantage, pensant tenir celles la pour sa part, les Angloys le prennoyent



tout, mesmes les habillemens des Matelots, en les battant encore dessus. Muyden monstroït a l'Admiral, la commission de son Eccell. contenāt qu'il pouvoit librement pescher & se defendre cōtre tous ceux qui le vouloyent grever, l'Admiral la leut, la bailla & la recognut pour bonne : Mais dit qu'il estoit contrainct de suivre le charge qu'il avoit de son Roy lequel estoit plus grand, & avoit donné Privilege a luy & ses principaulx de tenir pour sa Majesté, & a leur jouissance tous Pays & terres des ja trouvées, & celles qui se pourroyent encore trouver, comprises dens un rin de vent de Nordoest, & une de Nordest, sortans d'un Compas mis en leur Carte au milieu d'entre Dronten, & Islande. Ne voulāt pourtant permettre que ledit Muyen y pescherait, ou en aultre lieu de ces endroits; mesmes luy print & osta tout ce qu'il avoit des ja pesché & renvoya le 19. de Juin: a sçavoir les deux Navires de Muyden, & un Navire de Horn, qui estoit venu pour Jean Macqui de la Rochelle. Ces François disoyent qu'ils vouloyent faire voile avec leur Navire vers le Cape de Nord de Noruegue, pensant y trouver assez des Balaines. Toutefois Muyden encore que l'Admiral des Anglois, ne luy avoit voulu permettre de pescher en aucun aultre part, ains le luy avoit defendu, fit voile vers Belfond, ou il arriva le 20. de Juing, estant premierement a la costé du Nord mais non en bon lieu. Le 23. trouva un Navire de Sardam, au costé de Zud en ung bon port, passa la Baye, qui peult avoir environ 3. lieües. Arriva le 24. en un petit Port, qui est dans Belpointe, ou il trouva fort commodieuse place pour la pescherie.

Ceux de Sardam susdit, estoient un peu plus en dedans, tuerent en un jour bien 200. Morſes ou Vaches de Mer, & envoyerent, (pour la peur des Anglois) l'un de leurs 2. Navires, chargé avec du lard des Walrusses, mis en tonneaux, vers leur Pays.

Le 26. arriva le grand Navire de S. Ian de Lus, au pres de Muyden au Beauport, ledict Muyden avoit surnomé ainsi le petit Port.



S: de Muyden lui vouloit defendre le pescher, mais accorderent qu'il pescheroyent par ensemble, & defenderoyent & enchasseoyent tous aultres qui y pourroyent venir, comme ils firent le 11. de Juillet, aux Barques d'un Navire de Biscaye, qui estoit en Belfond derriere l'Isle, estans contrains de ce faire, d'autant que les Barques se mettoient droictement devant leur port: Apres vint encore aupres d'eux un aultre petit Navire de S. Jean de Lus, qui estoit point de la Compagnie de Monsieur Turbyde, auquel ils defenderent aussi le pescher, Cependant viendrent les Anglois pour les prendre avec tout ce que pouvoit estre pesché au port de Belfond; La Barque du Navire de Monsieur de Turbide alloit au devant des Anglois, & se rendirent a condition, que les François auroient de la graisse pour les Anglois, & que les François auroient la moitié de la graisse pour son salaire. Ceste cōdice accepterēt les Anglois, pource que les François sçavoient boullir si vistement en si peu de tēps une grande quantité de la graisse, mieux qu'aulcunes nations. Mais les cuves ou barbes qu'on prent hors les muses des Balaines, auroient les Anglois pour eux. Le petit Navire François, auquel Muyden paravant avoit defendu de pescher, fit aussi accord avec les Anglois de brusler (ou boullir) pour eux 40. Arils de la graisse, & ce qu'ils feroient d'avantage, seroit pour eux mesmes, toutesfois cela ne leur fut point tenu. Car par apres requoit l'Admiral l'accord, cecy advient le 21.

Le 22. deschargea l'Admiral le second Navire dudit Muyden, qui estoit Maistre Mossel, le 24. luy commanda de se retirer vers son Pays, tellement qu'il s'en alla le 25. Mais Muyden fut detenu jusques au 28. afin qu'ils ne feroient, se joignant aucun exploits avec les Pescheurs Anglois.

Au paravant que l'Admiral fit ainsi ses affaires en Belfond, avoit il fait voile vers le Hornfond, & venant devant l'Horensfont y rencontra le Navire de Dunkerke, duquel ci devāt est dit qu'il estoit



estoit renvoyé le 16. hors du Grenharbor. Cestui cy avoit esté d tout a la poincte du Sud de la terre, mais ne pouvāt trouver aucun profit, avoit prins resolutiō de se retourner derechef vers le nord du tout sur les 82. & 83. degrés, aussi hault qu'il pouvoit, pour chercher son avantage. Ceux de Dunquerque voyant venir les Navires Anglois, s'approcherēt deux, disans qu'ils venoyent pour les prier qu'il leur plairoit leur rendre la Pinasse qui leur estoit prins dessoubz l'Isle longue, comme ci devant est dit.

L'Admiral les receut amiablement, promettant de le faire, mais fallut qu'ils entrassent en la baye, qui estoit devant eux. Ainsi entrèrent ils ensemble en l'Horensfond, la minuiēt devant S. Iar ou ils trouverent trois Navires Espagnols, Maistre Thomas Bonard avec son Navire d'Enchuyfen, & aussi un Navire François, avec lequel il estoit arrivé en la baye, & avoyent accordé de pescher par ensemble, & de partir esgalement tout ce qu'ils prendroyent. Les Biscajns estans mandez, viendrent au bort de l'Admiral, & se rendirent, mais Bonard pensoit s'enfuir, doubtant que ses Matelots Anglois, dont il en avoit bon nōbre en son Navire, peuvrent estre tenus prisonniers. Mais l'Admiral fit 9. coups de Canons, de lesquels les deux passoyent par le Navire de Bonard, toutefois l'eut eschappé, mais il y vint une balle, laquelle rompit son boylin, tellement que le Navire ne se pouvoit tourner au vent, & craignant de tomber en la glace ou entre terre, defendirent la voile, & l'Admiral fit venir Bonard avec une barque aupres de lui, cōme avec tous ses gens, & furent mis autres Anglois en son Navire, avec ces nouvelles retourna Mossel a la maison.

Bonard estant prins & les Espagnols rēvoyez, laissa l'Admiral Dunkerquoys pour garder la baye, & fit voile luy mesme vers Beldersfond ou il se porta comme cy dessus est dict.



Or ce Dunquerqueois estant la au costé du Su: de la baye, ont aucuns de leurs Matelots en nombre de 15. prins conseil contre eulx, & jurèrent de surprendre un petit Navire Angloys, lequel estoit au costé du Nort, estant venu pour chercher aucune chose, d'autant qu'il y avoit cy devant esté trouvé une Licorne, de laquelle la baye a encore le nom. Mais d'autant qu'en la nuit destinée pour cest exploit, une Balaine vient passer pres du Navire, & le Maistre avec le Pilote, desja s'estoient mis chacun en une Barque, pour le poursuivre. Ces mesmes Matelots, se firent M<sup>rs</sup>. du Navire, consentans neantmoins de menes quant & eulx ledit M<sup>re</sup>. Le Pilote lequel vient a bord, sous promesse qu'ils luy donneroyent ses habillements, fut per eulx contraint de les mener en Noruegue, & estans la venus. Cependant qu'ils poursuivirent une petite Barke, qu'ils avoyent prins des Paysans, & leur estoit eschappé. Se sont le Maistre & Pilote derechef faict Seigneurs du Navire, & peu apres ces mutins, aians surprins une petite Pinasse de Rotterdam, qu'ils trouverent en Gesque, furent par apres prins au Su de Stadt per leurs susdit Maistres, & menez & luivrez en mains de la Justice, en la Ville de Duynquerque.

Or l'Admiral tenant Muyden pres de luy, jusques le 28. luy fit present pour aucunement le contenter 20. Pipes de lard, & 21. Barbes, pour les 18<sup>es</sup>. Balaines qu'il luy avoit prins, & le renvoya aussi vers son Pays. Et retient alors encore en son service le Navire de Serdā, lequel alla pour luy deca & dela, cherchant au long du rivage du bois, & aporta la graisse vers le Forland aux aultres Navires Anglois. A cestici fut aussi donne une quantite du lard, pour son salaire, & revient a la maison.

Comment il s'est porté vers le grand Navire François, & ce qu'il veult faire du Navire d'Enchusen, qu'il a mené a Londres, nous est encore incognu.

Muyden en se retournant vers son Pays, ne se pouvoit encore

D

tenir

tenir a repos. Mais le 29. estant le lendemain, apres qu'il estoit parti de l'Admiral, il envoya sa grande Barque vers la terre, & luy se tenoyt aprochant & se retirant du Pays. Le 2. d'Aoust, envoya il encore une autre Barque pour chercher la premiere. Et le 4. retournerent les deux Barques a bord du Navire, apportans 400. barbes des Balaines. Ces Barques firent environ le soir derechef voile vers la terre, pour querir le lard de la Balaine, qu'ils avoyent trouvé. Et Muyden demeura allant & venant jusques le 9. d'Aoust; ne sy pouvant plus tenir, a cause du grand vent, & alla vers son Pays. Ses Barques par la grande bruyne, navoyent peu veoir le Navire, & ayans trouvé les Anglois, retournerent avecq eux par voye de Lõndres en leur Pays.

Cecy est tout ce que les Pilotes ont sceu racompter, de leur malheureux voyage, laquelle donnera ceste Année une richesse incroyable aux Anglois, a sçavoir a la Compaignie Ruffique.

Et ont tout cecy faict les Anglois se fondans sur les Previlleges de leur Roy. Les propositions de leur Iustice (ou preminẽce) sont celles cy. Qu'ils sont les premiers qui l'ont trouvee avec le Chevallier VVilloughby, l'An 1553. & que c'est Groenland, lequel fouloit estre sous la puissance de Noruegues, parquoy ils font annuellement recognoissance d'une bonne somme de livres a la Majesté de Denemarque.

A l'encontre desquelles le tresdocte Cosmographe D. P. Blancius, a faict les repliques suivantes.

*Repli-*



*Repliques fondées a l'encontre des propositions & pretentions des Anglois, d'avoir le commendement sur la Pescherie de l'Isle Spitsberge ou Terre neuve.*

**N**ous ceux qui ont cognoissance des Navigations faictes par les Angloys, sçavent avecq qu'elle grande mal entente ils veulent soustenir que le Sr. Hugo V Villoughby, Chevallier & Capitaine de trois Navires, appelez la Bonne Esperance, l'Eduard Bonaventure, & la Bonne Confiance, auroit descouvert & trouvé la grande Isle Spitsbergen, & ce en la septieme Année du regne du Roy Eduard sixiesme, lequel estoit en l'An 1553. Car leur propres discours du voyage, tesmoigne le contraire, a sçavoir que ledict Chevallier avecq lesdicts trois Navires, partit de Ratclif en Angleterre le 10. May, 1573. pour descouvrir par le Nord les Pays de Cathaye. Estant arrivé en Norüegues en l'Isle de Seynam, partit d'icelle le 30. de Juillet. Le 14. d'Aoust bien matin, avec deux Navires descouverit un Pays, situé dudit Isle Seynam, Est quart du nord 160. lieües Angloises, lesquelles font 120. lieues d'Alemaigne:) sur la haulteur de 72. de grées. Et ce que ledict Chevallier a recité de ce, est escript de sa propre main, en langué Angloise, dont la teneur s'ensuit:

*The 14. daye early in the morning we discovered land, wick land we hare with al, hosing out our boat, to discover whath land it might be, but the boat could not come to land, the water was so shoare, were was very much yse also, but there was no similitude of habitation, and his land lyeth frō Seynam 160. leagues, being in latitude 72. degrees, then we plyed to the northward the 15, 16, and 17. day.*



C'est a dire en François : Le 14. jour bien matin, vismes un Pays, lequel descouvrismes du tout entierement, mettant nostre barque hors, pour descouvrir quel Pays il pouvoit estre, mais la Barque ne pouvoit venir a terre, leauë estoit si inprofonde, & y avoir aussi beaucoup de glace, mais n'y avoit nulle aparance d'habitatiõ, & ce Pays est citué de Seznam 160. legues Angloises, estant sur la haulteur de 72. degrés. Alors tournames vers le Nort le 15. 16. & 17. iour.

De grace quelle comparaisõ a ce Pays, Situë de Seznam 120. lieues d'Alemaigne, Est quart du nort, sur la haulteur du Pole de 72. degrés, au grand Isle Spitsbergen. D'autant que cecy est citué de Seinā Nort quar d'Oest, sur la haulteur de 75. jusques a 82. degrés & d'avantage, sauf que jusques a presēt n'est pas encore descouvert, combien plus il s'estend de la vers le Nort, Tellement qu'il y a plus grande distance entre l'Isle de Willoughby, & Spitsberge que Angleterre, & Pays bas. Parquoy ceste allegation des Anglois, est sans aucun fondament; aussi la seule veue d'un Pays, donneroit elle a qu'elcun droict legitime de le posseder en propriete. Il est bien vray que nos Mariniers n'ont trouvé audit lieu de 72. degrés aucun Pays. Mais d'autant qu'il apart par le Journal Anglois, que ledit Chevallier n'a poinct prins esgard au tirer du Compas, vers le Norest & Noroest, a il fait voile plus vers le Nort, qu'il a pensé. Tellement qu'il est aparent qu'il a descouvert & trouvé les 8. petits Isles, lesques sont bien proches l'un de l'autre, sur la haulteur de 73. degrés, nōmees par nos Mariniers, les Isles de Willebord. Sur laquelle longueur & largeur, se trouve l'Isle de Willoughby es Mappes, qui se font en Angleterre pour la Compaigne de Moscovie, & pour les Navires qui vont a Spitsbergue. Tellement que leurs propres Mappes Marines, le contradisent evidamment.



Les Anglois eſcrivent que ledict Chevalier a hiverné & Laponie en la Riviere Warſina, & que la il eſt engelé mort avecq tous ſes gens, & que le troiſieme Navire avecq le Capitayne Richard Chanceler, eſt paſſé avant en la Mer blanche.

De ſorte qu'il apart evidemment & incontradicible, que l'Isle Spitsberge eſt demeurée incognu a tous hommes juſques a ce que l'Admiral Jaques Henrici Hemſkerck, Guillaume Bernard, & Jan Corneille Rijp, avec deux Navires, eſquippez aux deſpens des N<sup>rs</sup>. S<sup>rs</sup>. d'Amſterdamme, l'ont trouvé & deſcouverte, le 19. de Juing l'An 1596.

A tous intelligens eſt bien cognu, avec quelle mal ententée les Anglois nomment l'Isle Spitsbergen, Groenland (ou terre verte). Veu que ces Pays ſont cituez l'un de l'autre plus loing que Noruegues eſt diſtant d'Eſcoſſe, entre leſquelz il paſſe une grande & large Mer.

Et quant a la ſeconde propoſition des Angloys, que tous Iſles ſituéz au Nort, apartiennent a leur Roy, tant celles qui ont eſté trouvées juſques a preſent, que celles qui ſe trouveront cy apres. Cela eſt vain & ne merite de replicque, Specialement ce qui regarde ceſt Isle de Spitsberge, d'autant qu'elle ne touche ny aprocheur en eſtendue & ſituation nullement a Angleterre, auſſi qu'elle n'a eſté premierement trouvée par les Angloys. Car pourquoy n'appartiendroyent alors a ſa Majeſté les Iſles de Hero, Yſland & Friſland, & pourquoy point Groenland? D'autant que ceux la ſont ſiues beaucoup plus proche de la grande Bretagne que cecy, faiſant cela encore qu'il fut que quelques terre ferme, ou Iſles appartienndroyent a quelque perſonne. Neantemoins la Navigatiō Marine & la peſcherie (ſelon les droicts univerſels de tous peuples) ſont commun a tous, & librement permis. Et pour ceſte occaſiō, les Roys de Erance n'y leurs ſubjects n'ont defendu a perſonne la peſcherie l'entour de Nova Francia, & Terra Nova. Non obſtant  
qu'ils


30

qu'ils ayent este les premiers qui ont descouvert ces Pays , en l'An 1504. Et pour ces raisons, faut fermement esperer que le Roy de la grande Britaigne (lequel est estimee par bonne raison tel qu'il craint de cœur Dieu, & qu'il est fidel defenseur de la iustice) qu'il enjoindra & ordonnera expressement a ses subjects, dorefenavant de ne plus prejudicier a nos Navires, ny leur apporter aucun domage ou destourbier. Et qu'ils les recompenseront & restitueront comme de raison, entierement de la perte qu'ils ont soufferte, en quoy il tesmoignera de plus en plus, les effects de sa bonne iustice.











8\*

234

F 618  
G 371  
[K]











